

稱

謂

錄

稱謂錄卷十五

福州梁章鉅撰

男恭辰校刊

尚書

尚書 岳珂愧鄰錄今世云尚書者尚字皆從平聲攷宋書百官志而後知其誤志之言曰尚書古官也舜攝帝位命龍作納言卽其任也周官司會鄭康成云若今尚書矣秦世少府遺吏四人在殿中主發書故謂之尚書尚猶主也漢初有尚冠尚衣尚食尚浴尚席尚書謂之六尚秦時有尚書令尚書僕射尚書丞

然則尙書之尙從去聲而非平聲亦旣明甚第鄭康成注周禮司會曰司會周官之長若今尙書陸德明釋其音曰常殆今世襲稱之始也案國初六部初不置尙書率以貝勒管部事置侍郎以佐之有滿洲漢軍漢人各二員後置尙書久之又省去漢軍侍郎定爲滿漢尙書各一員侍郎各二員至今仍之

阿里哈按班 皇朝通攷順治十五年 諭六部滿漢

尙書俱作正二品滿字稱阿里哈按班漢字仍稱尙

書

尚書古稱

納言 書命汝作納言傳納言官名 按卽尚書也
司會 周禮司會鄭注若今尚書矣

少府 杜氏通典秦時少府遣吏四人在殿中主發書
故謂之尚書尚猶主也

六卿 魏志八座尚書卽古六卿之任也

尚書臺 杜氏通典漢初尚書雖有曹名不以爲號總
謂之尚書臺大事八座連名有不合者得建異議

中臺 文昌臺 文昌都省 都臺 三國志諸葛恪

定山越孫權使尚書僕射薛綜勞軍曰故遺中臺近
官迎致犒賜 新唐書百官志注龍朔二年改尚書
省曰中臺光宅元年曰文昌臺俄曰文昌都省垂拱
元年曰都臺長安三年復曰中臺

太常伯 晁下侍郎

四曹尚書 六曹尚書 後漢志成帝初置尚書四人
分爲四曹常侍曹尚書主公卿事二千石曹尚書主
郡國二千石事民曹尚書主凡吏上書事客曹尚書
主外國夷狄事世祖後分二千石曹又分客曹爲南

主客曹北主客曹凡六曹

金紫光祿大夫 銀青光祿大夫 宋史職官志尙書
吏部以金紫光祿大夫戶禮兵刑工部以銀青光祿
大夫換授 玉海元豐三年詳定官制五曹尙書爲
銀青光祿大夫 老學菴筆記官制光祿大夫轉銀
青銀青轉金紫金紫轉特進五代以前乃自銀青轉
金紫金紫轉光祿 案唐皆以金紫銀青光祿大夫
爲階官此沿漢代金印紫綬銀印青綬之稱漢丞相
太尉皆金印紫綬御史大夫銀印青綬

卷一百一十一
二十一
侍郎

侍郎 漢書東方朔傳官不過侍郎位不過執戟後漢百官志侍郎三十六人主作文書起草 案漢凡諸郎皆掌更直執戟宿衛諸殿門以侍衛之故通謂之侍郎武帝時東方朔爲郎而自稱官不過侍郎是也隋煬帝時以尚書六曹各置侍郎一人以貳尚書之職改諸司侍郎但曰郎此爲今制六部尚書之始其改舊稱侍郎曰郎者則今郎中之職耳

阿思哈尼按班 皇朝通攷滿漢侍郎俱作正三品滿

字仍稱阿思哈尼按班漢字仍稱侍郎

侍郎古稱

少常伯 唐百官志尚書令注龍朔二年廢尚書令尚書改曰太常伯侍郎改曰少常伯 案尚書侍郎漢世皆爲冗官至唐則尚書以處藩鎮侍郎則居宰相之位沿至於今尚書仍屬八座侍郎亦貳九卿官名官制較昔微有不同耳

左丞 右丞 海錄碎事白案則右丞上署左丞次署黃案則左丞上署右丞次署齊朝如此卽今之各部

左右侍郎也 案秦置尚書丞一人漢因之至成帝
建始四年置丞四人及後漢光武減其二置左右丞
佐令僕之事無所不總左丞主吏民章服及駒伯史
右丞與僕射皆掌授廩假錢穀又假署印綬及紙筆
墨諸財用庫藏是漢代已有此官矣魏晉六朝並因
其舊不但齊官如此也

丞郎 老學菴筆記唐所謂丞郎謂左右丞六曹侍郎
也尚書雖序左右丞上亦通謂之丞郎猶今言侍從
官也

肅機 舊唐書職官志龍朔二年二月改百司及官名
改左右丞爲肅機

貳令 **貳卿** **亞卿** 唐百官志侍郎二人掌貳令之
職朝廷大政參議焉 案尚書曰卿侍郎亞之亦稱
貳卿亦稱亞卿 蘇東坡除游佃制文昌貳卿位次
八座

正議大夫 文獻通攷元豐寄祿六部侍郎爲正議大
夫

郎中

郎中 新唐書百官志注隋尚書省諸司郎及承務郎各一人武德三年改諸司郎爲郎中承務郎爲員外郎 通典漢魏以來尚書屬或有侍郎或曰尚書郎或曰某曹郎皆今郎中之任

郎中古稱

尚書郎 晉書職官志尚書郎初從三署詣臺試初上臺稱守尚書郎中歲滿稱尚書郎三年稱侍郎 通典郎官謂之尚書郎分掌尚書事 玉海景祐四年趙良胤言案雜坐圖學士在兩省侍郎之下尚書郎

之上 晉書職官志尚書郎西漢舊置四人以分掌
尚書至魏尚書郎有殿中吏部駕部金部虞曹比部
南主客祠部度支庫部農部水部儀曹三公倉部民
曹三千石中兵外兵都兵別兵考功定課凡二十三
郎青龍二年尚書陳矯奏置都官騎兵合凡二十五
郎

郎官 後漢書館陶公主爲子求郎帝曰郎官上應列
宿 唐書韋虛心傳自叔謙後至郎中者數人世號
爲郎官家 指塵錄詹堅老坐微累下大理李端初

少卿詬曰子嘴尖如此誠奸人也困辱之後十餘年
端初爲淮南運副堅老自郎官出代端初曰郎官風
采堂堂非昔比也堅老曰不知比往時嘴不尖否端
初愧甚

階官 洪浩鄱陽集金國官惟重階官以三品爲高六
曹郎官舊依遼例皆稱尙書故以侍郎爲重今則自
侍郎以下只呼階官而不稱其職 案通典凡郎官
皆主更直執戟宿衛殿門以侍衛之故通謂之侍郎
此侍郎卽郎中也

理事官 池北偶談滿洲郎中員外郎初稱理事官副
理事官後乃改從漢官之稱

左右司 隋書煬帝三年尚書都司始置左右司郎中各一人 唐書百官志尚書省有左司郎中右司郎中案韋應物以左司郎中出守詩家稱爲韋左司
中郎 韋莊寄崔郎中詩觀星始覺中郎貴問俗方知
太守廉

星郎 望郎 方干陪李郎中宴詩閒世星郎夜時亦
稱望郎又稱星署

清郎 北史袁聿修傳尙書邢邵與聿修舊款常語戲呼聿修爲清郎又李商隱狀立中臺而充號清郎

仙郎 白帖諸曹郎稱爲仙郎

仙曹 韋莊詩文昌二十四仙曹白帖諸曹郎亦曰仙

曹

曹長 唐李肇國史補尙書丞郎郎中相呼爲曹長

署長 史記馮唐傳以孝著爲中郎署長

員外

員外 唐書百官志大宗省内外官定制爲七百三十

員曰吾以此待天下賢材足矣然是時已有員外置
其後又有特置同正員杜甫詩寄語楊員外山寒少
茯苓

員外古稱

員外郎 劉肅大唐新語晉宋以還尚書始置員外郎
外郎 李商隱韓碑憩武古通作牙爪儀曹外郎載筆
隨 唐書柳玭傳王涯曰七十萬錢豈於汝惜但釵
直若此乃妖物也後釵爲馬球外郎妻首飾涯曰爲
郎吏妻首飾有七十萬錢其可久乎注外郎卽員外

也 案員外之名古亦有之員外之官則自隋置開皇三年二十四司又各置員外郎一人以司其曹之籍帳侍郎闕則攝其曹事爲今員外之始

承務郎 隋唐之尚書承務郎卽今員外郎也見叩鉢齊官職攷 案龍朔二年改左右司郎中爲承務郎是以郎中改爲員外也承務亦云成務

副郎 通典員外亦謂之副郎

散郎 史記秦始皇紀近官三郎索隱曰三郎謂中郎外郎散郎 通典漢中郎將分掌三署郎有議郎中

郎侍郎郎中凡四等皆無員多至千餘人掌門戶出充車騎其散郎亦謂之外郎

同正員 叩鉢齋官職攷正員之外別設一員如今添注官唐設員外置同正員員外支半俸同正員支全俸

主事

主事 主政 唐書百官志主事本用武官宋改用文吏至後魏則於尙書諸司置主事令史隋煬去令史之名但曰主事唐時並流外爲之 案漢時雖有主

事之職至唐始置是官今謂之主政

主曹 星置 叩鉢齋集主政亦稱主曹又稱星置
額哲庫哈番 皇朝通攷額哲庫哈番滿字仍稱額哲
庫哈番漢字稱爲主事俱作正六品

主事古稱

南北庭 日知錄後漢光祿勳有南北庭主事主三署
之事於諸郎之中察茂才高第者爲之然其職不過
如掾史等

主事令史 見上注

司務

司務 他庫喇布勒哈番 皇朝通攷司務添設滿官
漢字仍稱爲司務滿字稱爲他庫喇布勒哈番俱作
從九品

司務古稱

統署 贊部 留青集司務省署抄目受發文書爲首
領官號統署亦稱贊部

朝簿廳 因話錄吏察主朝官名籍謂之朝簿廳

筆帖式

筆帖式 榜式 皇朝通攷天聰二年設六部官其辦事筆帖式各酌量繁簡補授凡稱榜式俱著停止稱爲筆帖式 案據此則榜式爲筆帖式之舊稱也而池北偶談又云內三院滿洲大學士謂之榜式何耶詳見內閣大學士注

筆帖式古稱

令史 筆且齊 南院郎君 南院掾史 故史 漢官儀能通蒼頡史籀篇補蘭臺令史滿歲補尚書令史 案漢稱令史至元稱筆且齊遼稱南院郎君南

院掾史又稱敞史皆今之筆帖式也我朝名部院有七品有八品並無頂帶之筆帖式也

吏部

太宰 天官 禮記曲禮天子建天官先六太曰太宰
鄭注此殷制也 案周禮天官治官之屬太宰卿一人
蓋卽用殷制唐光宅元年改吏部爲天官唐六典
吏部尚書周之天官卿是也

冢宰 書周官冢宰掌邦治統百官鄭注云六官皆總
屬於冢宰變冢言大進退異名也百官總焉則謂之

冢列職於王則稱大冢大之上也 後漢書陳寵傳
陳忠上疏云三公稱曰冢宰王者待以殊敬

小宰 周禮治官之屬小宰中大夫二人 唐六典云
吏部侍郎周之天官小宰中大夫也

宰厯 禮記命宰厯卿大夫至於庶民土田之數注宰
厯於周禮爲太宰

司列 唐書百官志龍朔元年改吏部曰司列改尚書
爲司列太常伯 厲代沿革唐龍朔中改選郎爲司
列大夫

文部

通鑑天寶十一載改吏部爲文部至德二載復

舊案文部掌文官選舉總判吏部司封司勳考功四

曹事宋如唐制元初併吏禮爲一部尋復舊

鉛部

叩鉢齋官制攷鉛量度也唐選法尚書銓掌七

品以上選亦稱鉛部又稱東曹

銓部

宋史選舉志官人之道在銓部則宜守成法

大銓衡

叩鉢齋集吏部尚書稱大銓衡

中銓東銓

東西銓 舊唐書職官志吏部尚書侍郎

分爲三銓注尚書爲尚書銓侍郎二人分爲中銓東

銓也 案會要侍郎二人分爲東西銓

小選 小銓 山堂肆考褚翹居小選不爲請囑易意
案吏部郎也又謂之小銓

大天 容齋四筆唐人稱吏部尚書爲大天

省眼 圖書補舊說吏部員外郎爲省眼

選官 梁書王仲通能接人士人士願其居選官

文選司

文選司 皇朝通攷文選清吏司掌官吏班秩均平選
法 案宋史吏部尚書兼掌文武二選之法明洪武

二十九年始定文選司屬吏部武選司屬兵部本朝因之

司士 周禮夏官司士掌羣臣之版以治其政 案此卽今文選司所自始

常侍曹 吏曹 選部 通典魏改選部爲吏部主選事陳羣始建九品官人法 案明初吏部設總部司勳考功三屬洪武二十二年改總部爲選部二十九年又去選部之稱而定爲文選等四司則選部亦卽文選司之舊稱也

選曹執法郎 文獻通攷劉聰僭號省吏部置左右
選曹石勒時又置左右執法郎典定士族副選舉之
任

南曹 左曹 國史補郎中故事吏部郎中二廳先小
銓次格式員外郎二廳先南曹次廢置 小知錄選
司謂之南曹左曹 唐六典吏部員外掌選院謂之

南曹

南院 李肇國史補自開元二十二年吏部置南院始
縣長名以定留放 遼史百官志契丹南樞密院掌

文銓部族丁賦之政視吏部以其牙帳居大內之南故名南院

南院林牙 遼稱吏部文選司爲南院林牙

審官東院 淒水紀聞太宗患中書權大重向敏中時爲諫官請分中書吏房置審官院熙甯閒置審官西院以主武選於是改審官院爲審官東院焉

典流內銓 宋寶錄淳化四年以幕職州縣考課院歸流內銓命翰林學士蘇易簡領其事 案馬端臨云宋朝典選之職自分爲四文選二曰審官東院曰流

內銓

考功司

考功司 皇朝通攷考功清吏司掌官吏考課之事三
載績在內曰京察在外曰大計 案後魏北齊吏部
統吏部考功主爵三曹後周大司馬隨吏部主爵司
勳考功四曹唐宋至明並有此稱而 本朝因之

定課曹

功論郎

課功郎中

司績

馬氏通攷漢

文帝時京房作者功課吏之法然其職不在尚書至
光武改尚書三公曹主歲試考課課諸州郡魏尚書

有考功定課二曹宋元嘉三年又置功論郎卽其任
也後魏考功郎掌考第孝秀北齊課功郎中亦掌考
第孝秀貢士隋文帝置考侍郎唐龍朔二年改考功
爲司績咸通初復舊

鶴廳 類函唐考功員外郎廳事有薛稷畫鶴宋之間
爲讚故名

稽勳司

稽勳司 皇朝通攷稽勳清吏司掌更名改籍終養服
制兼稽在京文武俸廩焉 案明史洪武元年吏部

設總部司勳考功三屬至二十九年定爲文選驗封稽勳考功四司是稽勳卽古之司勳至明始改其稱也

司勳 周禮夏官司勳掌六卿賞地之法 案後周吏部有司勳隋文帝置司勳侍郎煬帝改爲司勳郎龍朔二年改爲司勳大夫宋有司勳郎中皆沿周禮之古稱也

勳府右闔 小知錄司勳亦謂之勳府右闔

驗封司

驗封司 皇朝通攷驗封清吏司掌百官之封爵 詔勅贈廕承襲之事 案驗封卽古之司封明洪武二十九年始定此稱而 本朝因之

執秩 春秋左氏傳晉侯作執秩以正其官杜氏注主爵秩之官 案此卽唐之司封今之驗封司

主爵 司封 舊唐書百官志注隋爲主爵武德因之龍朔改爲司封 厲代沿革司封郎中舊主爵郎也

戶部

司徒 書舜典汝作司徒 通典舜命契爲司徒元孫

之子微爲夏司徒 禮曲禮天子之五官曰司徒鄭注此殷制也

大司徒 小司徒 周禮教官之屬大司徒卿一人小司徒中大夫二人尚書大司徒侍郎小司徒也

地官 唐六典戶部尚書周之地官卿也

祝鳩氏 左昭十七年傳祝鳩氏司徒也

農父 書農父若保傳農父教官司徒也主農

大農令 大司農 漢書百官表大農令武帝更名大

司農

司農卿 司稼卿 通典漢曰大司農梁曰司農卿唐

改司稼卿 耕餘稿猥芻賤辱稼卿

穡臣 張華箴穡臣司農敢告左右

稼部 版部 叩鉢齋官制考民部亦稱稼部又稱版

部又稱地曹

版使 佳話錄唐韋澳辭判戶部歸謂甥姪曰吾已讓

版使矣 案國史補郎中判入員外判出此版使當

是郎中員外之任案小知錄版戶卽戶部也

版曹 癸辛雜識沈夏爲版曹二卿一日上問版曹財

用幾何夏一一奏對訖於所佩夾袋中取小冊進呈
民曹 通典魏有民曹郎晉分爲左右民曹

人曹 元稹授韋審規等戶部郎中制登生齒以比董
九賦人曹之任非輕 案人本作民蓋避諱也

民部 通典隋改度支爲民部統度支民部金部倉部

四曹 案唐始改民部爲戶部蓋避唐太宗御名而

戶度金倉四曹如故 案唐書帝以司農卿李緯爲
民部尚書又王世充傳王世充爲民部侍郎善占對

習法取舞文

左民

右民

宋書百官志魏世有左右民曹尚書

梁書到溉傳爲左民尚書以清白自修唐六典左

民尚書晉初省之太康中又置惠帝時有右民尚書

左戶

右戶

冊府元龜後漢度支尚書之屬左戶掌

天下計掾戶籍等事右戶掌天下公私田宅租調等

事翰苑新書唐戶部侍郎有一員判使案者別一置

謂之左戶

司會

天官司會注會大計也司會主之計官之長若

今尚書亦稱大司元

司元 司度 新唐書百官志注龍朔二年改戶部曰
司元度支曰司度改尚書爲司元太常伯又云光宅
元年改戶部曰地官 案度支郎中改司度大夫卽
今分隸本部諸司郎中皆是

度支 晉書杜預傳拜度支尚書 通典晉有度支主
算計魏文帝置度支尚書爲大司徒 張華傳帝謀
伐吳將大舉以華爲度支尚書 北史蘇綽傳授度
支尚書置屯田以資軍國 宋書百官志度支主算
支派也度量也

計相

漢書張蒼傳蒼以代相從攻臧荼有功封北平侯食邑千二百戶遷爲計相專主計籍能計故號曰

計相

通典領郡國上計者謂之計相殆今度支之

任

李洞詩從此幾遷爲計相

起部

宋書百官志度支尙書領度支金部倉部起部

四曹

辭曹

齊東野語羊祜爲荊州呼戶曹爲辭曹

念珠曹

通典戶部諺云念珠曹以戶部官日俸一百

八也

三司 文獻通攷凡戶口田產錢穀食貨之政令皆歸於三司謂鹽鐵戶部度支也熙甯中王安石制置三司條例司

三司使 見下大理門

走卿 蘇軾詩注京師謂司農爲走卿

內宰相 唐書王珪傳進戶部尚書帝於珪委眷特異預大政事時號曰內宰相

三庫

庫部 文獻通攷北齊度支統度支倉部左戶右戶金

部庫部六曹

左藏署監丞 黃藏署監丞 右藏署監丞 隋稱三
庫郎中員外曰左藏署監丞黃藏署監丞右藏署監
丞

錢法堂 寶泉局

大司圜 卽鉢齋官職攷太公立九府圜法故稱亦稱
大司泉錢若泉布謂錢若流泉之遠布也卽今之錢
法堂是也

金部 司珍 司金 新唐書百官志注龍朔二年改

金部曰司珍天寶十一年改曰司金 金部郎中改司珍大夫卽今諸庫及寶局郎中皆是

金曹 蘇頌授蔡秦客金部郎中制位總金曹宜轉司徒之屬

鍾官 漢書百官公卿表水衡都尉屬官有鍾官注鍾官主鑄錢官 書敘指南亦引之 案卽今寶泉局監督是

倉場

少司農 少司徒 叩鉢齋官職攷倉場侍郎稱少司

農少司徒

倉部 司庾 司儲 新唐書百官志注龍朔二年改
倉部曰司庾天寶十一年改曰司儲 倉部郎中改
司庾大夫又曰司儲郎令諸倉監督是也

倉部司農 留青集倉部司農亦稱倉部司徒更稱大
司儲或稱大司庾

倉部郎 晉書職官志有倉部郎 南史張緒傳武帝
用爲尙書倉部郎都令史諮詳郡縣米事緒肅然直
視不以經懷 唐書百官志倉部郎中員外郎各一

人

倉曹 後漢百官志倉曹主倉穀事 唐書百官志倉

曹司倉參軍事

司倉 隋書食貨志司倉掌辦九穀之物

主廩 元稱倉監督曰主廩

治粟內史 漢書百官公卿表秦官掌穀貨

太倉長 史記汲子意爲商太倉長 案此上之稱內
史或是侍郎而今稱長乃屬官也

太倉令 漢志一人六百名主管郡國轉漕穀

典倉令 舊唐書職官志典倉令掌九穀之藏

稱謂錄卷十六

福州梁章鉅撰

男恭辰校刊

禮部

秩宗 書舜典汝作秩宗孔傳秩序宗尊也主郊廟之

官

宗伯 大宗伯 小宗伯 書周官宗伯掌邦禮注春

官卿於四時之序爲長故謂之宗伯 周禮乃立春

官宗伯使率其屬而掌邦禮又大宗伯掌建邦之天

神人鬼地示之禮小宗伯掌建國之神位 唐六典

禮部尙書周之春官卿侍郎周之春官小宗伯中大夫也

太宗 上宗 書顧命太保太史太宗皆麻冕形裳上宗奉同瑁孔傳太宗上宗卽宗伯也

少宗 遂周書嘗麥解命太宗序天時少宗祠風雨百

享

司宗 司宗中大夫 北史盧辯傳保定四年改禮部爲司宗 蕭世怡傳有司宗中大夫之稱

宗官 國語伶州鳩曰非宗官之所司韋昭注宗官宗

伯是也 周禮鄭注宗官又主鬼神又云唐虞及三代以宗官典國之禮與其祭祀

宗卿 蘇軾謝禮部尙書表云遂領宗卿之任

春官 通典光宅元年改禮部爲春官

春卿 孫逖詩秋憲府中高唱入春卿署裏和歌來案
春卿

春司 張籍賀王起侍郎詩共賀春司能鑒職今年端

合有公卿

春曹 明鉢齋官職攷禮部稱春曹亦稱南省

春臺 事文類聚禮部稱容臺亦曰春臺

容臺 史記索隱引鄭康成云商容者商家樂官知禮容所以禮署稱容臺 案淮南子覽宴訓容臺振而掩覆高誘注容臺行禮樂之臺也

容卿 柳宗元文以容卿之位贊事方岳注謂容臺也陽官 國語史帥陽官以命司事韋注卽春官也

陽伯 路史後紀十一陽伯夏伯秋伯冬伯 案陽伯卽春伯也

青雲 漢書百官表注黃帝有雲瑞以雲紀事春官爲

青雲

司禮太常伯 通典唐龍朔二年改禮部尚書爲司禮
太常伯

大司禮 禮部大夫 通典後周置春官卿後改爲大
司禮俄又改爲禮部大夫 冊府元龜春官之屬有
典命後改爲大司禮 案侍郎亦稱少司禮

大典禮 叩鉢齋官職攷禮部尚書稱大典禮虞書有
能典朕三禮

嘉議大夫 元史郭貫傳除禮部尚書帝親書其官階

稱謂錄

卷十六

三

曰嘉議大夫

大儀 中儀 小儀 令狐楚寄禮部趙郎中詩仙步

徐徐整羽衣小儀澄澹轉中儀 容齋四筆唐人稱
禮長爲大儀員外郎爲中儀主事爲小儀

少儀 避暑錄話唐人謂禮部員外郎爲少儀

南省舍人 南宮舍人 國史補禮部爲南省舍人徐

度却掃編唐制禮部郎官掌百官牋表謂之南宮舍
人 聞見錄禮部掌省中文翰謂之南宮舍人 案

宋敏求春明退朝錄載唐以前以禮部郎中掌省中

文翰謂之南宮舍人百日內須知制誦王元之與宋
給事詩須知百日掌絲綸攷南省南宮古爲尚書
省之通稱通典云唐尚書省亦謂之南省又後漢陳
忠爲尚書令前後所奏悉條於南宮閣上以爲故事
鄭宏爲尚書令亦著於南宮以爲故事沈勳字異徵
詣南宮賜酒拜尚書令持節臨辟雍名冠百僚皆其
證也自禮部掌文翰始以南宮之稱專屬於禮部耳
今登進士曰捷南宮蓋亦取禮闈之義

名表郎 石林燕語禮部郎中元豐官制行謂之名表

郎郎官別有印曰名表郎印

冰廳 趙璘因話錄當時呼祠郎爲冰廳言其清且冷也

瑞錦窠 鄭谷伴禮部員外省直詩錦帳名郎重錦窠
宋敏求退朝錄禮部員外爲瑞錦窠

敵烈麻都 遼史百官志北面官敵烈麻都司掌禮儀
今國語改爲多囉倫穆騰多囉倫禮也穆騰能也

儀制司

儀制司 皇朝通攷儀制清吏司凡 朝廷典儀具上

其儀領式於諸司學校貢舉並隸焉

儀部 明史初洪武元年置禮部六年設尚書一人侍郎一人分四屬部總部祠部膳部主客部二十二年改總部爲儀部二十九年改儀部祠部膳部爲儀制祠祭精膳惟主客仍舊俱稱爲清吏司

儀曹 白居易授禮部員外郎制官有秩清而選妙者其儀曹員外郎之謂 唐百官志武德三年改儀曹郎曰禮部郎中 案此卽今之儀制司亦稱司禮大夫

祠祭司

祠祭司 皇朝通攷祠祭清吏司凡祭祀其列在祀典者則稽其實喪祭貴賤有等皆定其程凡術數醫卜音樂及僧道並藉領之

祠部 大主禋 通典魏尚書有祠部曹晉江左有祠部尚書掌廟祧之禮 案此今之祠祭司亦稱大主禋

司禋大夫 歷代沿革祠部郎中唐龍朔中改爲司禋大夫

主客司

主客司 皇朝通攷主客清吏司凡貢必省閱之然後登內府若藩國嗣封則遺頒策於其國

客曹 司賓大夫 典賓 後漢書百官志成帝初置客曹尙書世祖又分客曹爲南主客曹北主客曹案此今之主客司亦稱司賓大夫亦稱典賓

主爵 司籍郎 文獻通攷北齊左主客爲主爵南主客爲主客隋又改爲司籍郎武德初改爲主客郎中龍朔二年又改主客爲司藩咸亨元年復舊

司蕃大夫
歷代沿革主客郎中唐龍朔中改司蕃大夫

精膳司

精膳司
皇朝通攷精膳清吏司掌五禮宴享之宜凡光祿寺所供饌餚悉會其出納之數及牛羊館品數出納並兼轄之

膳部
通典隋置禮部尚書統禮部祠部主客膳部四

舊

司膳大夫
司烹大夫
舊唐書百官志注云膳部郎

中龍朔改爲司膳大夫咸亨復全唐詩話王主敬
自以才望華妙當入省臺前行忽除膳部員外郎
案此卽今之精膳司亦稱司烹大夫

膳夫 凌人 文獻通攷膳部於周官卽膳夫凌人二
職也

左士 全上晉尚書有左士右士曹後魏部官尚書管
左士郎北齊改左士爲膳部郎

鑄印局

印曹 全上漢侍御史凡五曹二曰印曹掌刻印 案

晉宋以前每除一官卽改鑄新印給之不相傳授宋書孔琳之傳謂惟尉一職獨用一印內官羣官每遷悉改終年刻鑄喪功消實銅炭之費不可勝言故當時有印曹御史專司其事唐代移歸禮部掌之則今鑄印局之職也

僧官 道官

僧錄司 道錄司 池北偶談明時南京五大寺僧每季考核於禮部命題卽法華楞嚴等經其文則仿舉子制義文義優者選充僧錄等官 禮部則例本部

所統二教皆設官遞相管攝僧錄司有善世闡教講
經覺義諸名目道官曰道錄司有正一演法至靈至
義諸名目僧官兼善世等銜道官兼正一等銜皆給
與部劄其僧官分設各城者凡八處其道官分設各
城者凡六處凡僧錄道錄印信由部頒給 案今從
六品有僧錄司闡教道錄司演法正八品有僧錄司
講經道錄司至靈從八品有僧錄司覺義道錄司至
義

僧綱 僧正 僧會 道紀 道正 道會 禮部則

例凡直省僧官府曰僧綱州曰僧正縣曰僧會惟湖南衡山縣稱僧綱道官府曰道紀州曰道正縣曰道會惟衡山縣稱道紀凡直省僧綱道紀條記由該省布政司給放

祇部丞

崇虛局丞

唐會要延載元年五月勅天下

僧尼道士隸祠部開元二十五年以道士女道士割
隸宗正各寺僧尼令祠部檢校考釋道二教前代未
嘗領之於官自北齊置昭元寺以掌諸佛教又鴻臚
寺屬有僧祇部丞一人太常寺屬有崇虛局丞掌諸

道士簿帳於是始見於官司之職守

司寂上士 司元中士 唐會要後周有司寂上士掌沙門之政司元中士掌道門之政皆屬春秋宗伯令釋道之隸禮部蓋自此始也 案今從九品有僧綱

司都綱道紀司都紀未入流爲副都綱副都紀

判錄 司空 松漠紀聞胡俗僧職有正副判錄或呼爲司空注遼代僧有兼官至檢校司空者故名稱尙存

醫學官

正科 典科 訓科 禮部則例凡直省醫學官府曰
正科州曰典科縣曰訓科皆由本部給劄其鈐記由
該省布政司給放

陰陽學官

正術 典術 訓術 禮部則例陰陽學官府曰正術
州曰典術縣曰訓術給劄並鈐記同上 案以上四
門本屬禮部故附其後

兵部

大司馬 司馬 書允征篇允侯命掌六師孔傳仲康

命允侯掌王六師爲大司馬 書周官司馬掌邦政
統六師平邦國 周官夏官政官之屬大司馬卿一
人以九伐之法平邦國小司馬掌其事如大司馬之
法 唐六典兵部尚書周官夏官卿也侍郎夏官小
司馬中大夫也

坼父 祈父 書酒誥坼父薄違 詩祈父予王之爪
牙毛傳祈父司馬也職掌封坼之兵甲

雎鳩氏 左傳雎鳩氏司馬也杜注雎鳩主鳩也鶩而
有別故以爲司馬主法制

縉雲 漢書百官表注黃帝以夏官爲縉雲 張說和
魏僕射詩昔我含香日連翻縉雲司又古今考兵部
亦曰縉雲司

夏官 文獻通攷光宅元年改兵部爲夏官天寶左相
兼武部尚書至宋軍國政令悉歸樞密院

夏卿 張說送王晙巡邊詩三邊遺夏卿案晙時爲兵
部尚書

太尉 通典秦并天下太尉主五兵 案太平御覽漢
官序曰三公之職司馬主兵漢承秦曰太尉武帝改

曰大司馬世祖復改曰太尉

武部 文獻通攷天寶十一載改兵部爲武部至德初復舊

兵署 海錄碎事白居易和李相公任兵部日移四松詩右相厯兵署因松皆手栽

樞省 古今考兵部曰樞省亦稱大掌樞

五兵尚書 章俊卿山堂考索魏始置五兵尚書謂中兵外兵騎兵別兵都兵也 案秦漢未有專任魏爲五兵尚書晉改置七兵宋復置五兵

七兵尙書 通典後魏爲七兵尙書北齊爲五兵統左

中兵右中兵左外兵右外兵都兵五曹後周置大司

馬卿至隋乃有兵部尙書統北部職方駕部庫部四

曹 案晉太康中又置七兵尙書以中外兵加分左

右也又有四兵之稱宋丁度兵錄云一曰禁兵殿前

馬步二司隸焉二曰廂兵諸州隸焉三曰役兵郡有

司隸焉四曰民兵農之健而材者藉之並見天祐識

餘

司戎 文獻通攷唐龍朔二年改兵部尙書爲司戎太

常伯侍郎爲司戎少常伯郎中爲司戎大夫咸亨初復舊

司戎大夫 文獻通攷龍朔二年改兵部郎中爲司戎大夫咸亨初復舊亦稱司馬大夫或稱南選曹 案此卽今之武選司

北院 遼史百官志契丹北樞密院掌兵機武銓廄牧之政凡契丹軍馬皆屬焉以其牙帳居大內帳殿之北故名北院元好問所謂北衙不理民是也

南省 李輔國傳遷兵部尚書南省視事

西曹 崔豹古今考兵部稱西曹案西爲金主兵刑之義故與刑部同稱

中都曹 明鉢齋官職攷東漢尚書五曹外增設一官名中都曹主盜賊或云督捕侍郎之職

武選司

武選司 宋史職官志兵部尙書掌兵衛武選車輦甲械廄牧之政令 案宋史又言吏部掌文武官吏選試擬注資任遷除蔭補考課之政令凡文階官之等二十武選官之等五十有六是宋之武選又兼隸於

吏部也至明洪武二十九年始於兵部專設武選清
吏司掌衛所士官選授陞調襲替功賞之事 本朝
亦因其舊而滿漢武職銓選封廕及預保註冊推陞
降調告病丁憂終養咸隸焉

審官西院 涼水紀聞王介甫與韓子華合謀欲沮文
潞公且奪其權一日發中旨置審官西院樞密初不
知也 案本宋元豐定制以審官西院爲尙書右選
武臣陞朝官自皇城使職事官自金吾衛仗司以下
非樞密院宣授者悉掌之

三班院 宋寶錄淳化三年詔置三班院以崇儀副使
蔚進掌之 案宋以三班院爲侍郎右選自副尉以
上至從義郎悉掌之

職方司

職方司 宋史職官志職方郎中員外掌天下圖籍

案周禮夏官職方氏掌天下之圖辨九州之國後周
依周官定制始有職方隋有職方侍郎宋有職方郎
中員外明史兵部有武選職方車駕武庫四清吏司
而本朝因之

司域 舊唐書職官志改職方爲司域駕部爲司輿

車駕司

車駕司 明史職官志洪武六年兵部置駕部二十九

年改車駕清吏司掌鹵簿儀仗禁衛驛傳廄牧之事

案 本朝沿明舊稱 皇朝通攷車駕清吏司掌

驛傳郵符中外馬政凡鹵簿儀仗遇大典禮辨其物

數以授所司

駕部 唐書崔元亮傳爲駕部員外郎清謹介特意澹
如也

司駕 文獻通攷唐天寶中改駕部爲司駕至德初復舊

司輿 見上司域注

司輿大夫 文獻通攷唐改駕部郎中爲司輿大夫

輿司馬

校人 牧師 巾車

周禮夏官之屬有輿

司馬又有校人主馬之官又有牧師掌牧教又有巾

車掌公車之政及王之五輶 案馬貴與謂此四職

卽宋代駕部郎中之本始

武庫司

武庫司 明史職官志兵部洪武初置總部駕部並職
方三部十三年又增置庫部二十九年定改四部爲
武選職方車駕武庫四清吏司武庫掌戎器符勘尺
籍武學薪隸之事 案據此則明初尙稱庫部而改
爲武庫司實始於明也 本朝因之

庫部郎中 唐書百官志庫部郎中員外郎各一人
司庫大夫 文獻通攷唐改庫部郎中爲司庫大夫亦
稱司戟大夫咸亨初復舊

武藏中大夫 文獻通攷後周有武藏中大夫

司甲 周禮夏官司甲掌戈盾弓矢之長各辨其物以
待軍事 案馬貴與謂卽庫部郎中之職

馬館

馬曹 習書王徽之傳爲桓沖騎兵參軍沖問卿署何
曹曰似是馬曹問管幾馬曰不知馬焉知馬數又問
馬近死多少曰未知生焉知死 蘇軾詩盡壞屏障
通內外仍呼騎曹爲馬曹 案此或今馬館監督之

流

刑部

士 士師 書舜典汝作士 論語孟氏使陽膚爲士
師

士官 文獻通攷唐虞之際士官以正五刑

大士 太士左傳士榮爲大士注大士治獄官也 禮

記天子建天官先六太曰太士 案太士大士自是

二稱

司寇 大司寇 小司寇 書司寇掌邦禁 周禮秋

官大司寇掌邦之三典以佐王刑邦國詰四方小司
寇掌外朝之政以致萬民而詢焉

尉氏 漢書陳留郡尉氏注引應劭古獄官曰尉氏
左氏襄二十九年傳將歸死于尉氏注尉氏討姦之
官

準人 準夫 書注準人平法謂士師又疏準夫者平
法之人也

爽鳩氏 春秋傳爽鳩氏司寇也杜注爽鳩鷹也鷹故
爲司寇主盜賊

白雲 漢書百官表注黃帝以秋官爲白雲

金正 漢書百官表注顓頊氏以秋官爲金正

秋官 周禮秋官大司寇 案後周依周制以刑部爲

秋官

秋典 顏魯公集馮翊太守謝上表超司秋典蓋嘗爲憲部尚書亦稱大秋臺

秋憲 賈至授宋晦屯田員外郎制俾迴秋憲之威以佐冬官之屬亦稱秋曹

少皞司 韓愈酬鄆州馬尚書詩仍遷少皞司注秋帝少皞主刑刑部古之秋官也

司刑太常伯 憲部 西臺 司憲 通典隋改都官

爲刑部尙書唐龍朔二年改爲司刑太常伯天寶中
改爲憲部亦曰西臺 唐書百官志天寶十一載改
刑部曰司憲

西曹 外翰林 客燕雜記嘉靖中李攀龍王世貞俱
官西曹相聚論詩建白雲樓榜諸君詩人目刑部爲
外翰林亦稱西臺

冷曹 鄭谷詩序故許昌辟尙書能常爲都官郎中故
建州李員外頻自憲府內轉拜都官員外郎皆一時
騷雅宗師都官之曹振盛於此余今忝此官何以仰

繼前賢賦詩曰他日節麾如可繼不嫌曹冷在中行
案刑部亦稱法曹墨曹

長流 帝王世紀少皞崩其神降於長流之山於祀主
秋 案秋官司寇主刑罰故取秋帝所居爲嘉名也
伊勒希布 左右伊勒希巴 遼稱刑部尙書曰伊勒
希布左右侍郎曰左右伊勒希巴

附刑部各司古稱

案刑部舊分都官比部司門諸
稱明洪武初年尙如此自永樂

十年定爲十三清吏司各以行
省分曹而本朝定爲十八清

吏司亦仍明制增之而舊稱悉
皆不用茲錄於後以備稽攷

都官 文獻道歿開皇三年改都官爲刑部尙書 通典魏置尙書都官晉以三公尙書掌刑獄宋置都官尙書齊梁陳後魏亦有都官尙書北齊都官統都官二千石比部水部膳部五曹

司僕大夫 歷代沿革都官郎中唐龍朔中改司僕大夫 案司僕掌簿錄配沒官私奴婢卽周禮司隸職今分隸諸司無專職

比部 計部 通典比部掌詔書律令句檢等事後周曰計部亦稱句司

司計大夫 慵代沿革比部郎中唐龍朔中改司計大夫案司計掌勾檢內外賦斂經費出納逋欠之政今則分隸戶部諸司

小秋 尚書故實杜紫微頃如宰執求不遂請小秋又不遂嘗夢人謂曰辭春不及秋昆腳與皆頭後果得比部員外亦稱秋官大夫

水部 南部新書諺曰司門都官屯田水部入省水數以其閒簡無事也

司門 唐書選舉志刑部尚書一人侍郎一人其屬有

四一曰刑部二曰都官三曰比部四曰司門

定科郎 職類魏有定科郎晉以裴楷爲之

綱曹 崔嘏授李渾比部員外郎待制綱曹妙選粉帳

華資